

Transkription von Urkunde HWI 1331a

Ort, Datierung: Wismar, 1331-09-07

Signatur: Stadtarchiv Wismar, Privilegienbuch 1331

Wi Marquard van der gnade Godes Bÿschop / to raceborgh bekennen vnde don witlik al=/den ghenen de desse Breue horen vnde seen , dat / Wÿ mit den Ratmannen van der wÿsmer , / mit Rade vnde mit volborde , Hern Eghardes / des prouestes vnde aldes Capiteles vses Godeshu=/ses vmme dat Recht al der scholen Jn der wisz=/dreghe over eÿn , alsodane wÿs dat de vorspro=/kenen Radmanne scholen hebben eweliken al de / schole vrij vnde vmbeworen , dat se moghen , al de / scole lenen vnde be velen weme se willen , vp also/dan recht , dat se in eren breuen hebben dar to ghe=/ue wi , en al recht dat wi vnde vse godeshus / hebben vnde hebben mochten , Jn al den scholen van / genegherleye saken , vnde breuen , dar to hebbe wÿ de vornomende radmanne ghewÿset vnde / orlevet In der were al der schole vnde vor saken / al des rechtes vnde nÿt dat vs vnde vsem godes=/husen mochte euene komen , van al den Breuen de / wÿ hebben vÿp dat recht der vorsproken schole , / de willekore wi In desser schrift , dat se eweliken / scholen bliven macht loos . vnde to ener betuÿghinghe / alder stÿcke de hir vore ghescreuen sint dat de eweli=/ken vast vnde vntobroken bliuen , so is mit vnsem / Ingheseghele vnser Capitels Ingheseghel to Raceborgh / ghe henget to dessem Breue de is ghegheuen to / Raceborgh na godes Bort Dused Dreghender / vnde eÿn vntdritich Jaer In dem hilghen avende / vnser vrowen der lateren